

## Communicaziun a las medias: rapport annual 2022 da l'Assicuranza d'edifizis dal Grischun

Cuira, ils 27-04-2023

### L'Assicuranza d'edifizis supporta bain las turbulenzas sin ils martgads da finanzas

**Ils donns totals annunziads a l'Assicuranza d'edifizis dal Grischun èn stads cun CHF 15.5 miu. cleramain pli bass che la media dals ultims diesch onns. Ils spustaments massivs sin ils martgads da finanzas han manà ad ina perdita da manaschi da CHF 50.4 miu. Quella n'influenzescha dentant betg a moda negativa las premias e l'abiltad da la GVG da pajar indemnisaziuns.**

Dal punct da vista operativ è l'onn da gestiun 2022 stà legraivel per l'Assicuranza d'edifizis dal Grischun. Cun donns da fievu da CHF 11.1 miu. e donns elementars da CHF 4.4 miu. èn las prestaziuns en cas da donn stadas var 25 % sut la media da blers onns. Era las expensas da manaschi èn stadas pli bassas che planisadas. Las turbulenzas sin ils martgads da finanzas han dentant sminuà la facultad d'investiziun per CHF 64.7 miu. Malgrà la rendita d'investiziun negativa da - 8.08 % l'onn 2022 è la GVG mitschada senza gronds donns. Sur ils ultims diesch onns ha quella tuttina purtà ina rendita media da + 3.5 %. Tut en tut ha la GVG concludì l'onn da gestiun cun ina perdita da manaschi istorica da CHF 50.4 miu. Ma grazia a las reservas da chapital solidas stat ella vinavant sin ina basa finanziaria sauna ed è capabla da purtar gronds eveniments da donn.

Il success da la GVG è d'attribuir a la stretga interacziun da la prevenziun, da l'intervenziun e da l'assicuranza. En il sector da la prevenziun è creschidas per passa 5 % las permissiuns da la polizia da fievu, quai ch'è d'attribuir a la gronda activitad da construcziun. Cun passa 1'400 intervenziuns è il dumber d'acziuns dals pumpiers stà cleramain pli aut ch'ils onns precedents. La GVG ha organisà l'onn 2022 passa 180 curs per garantir ch'ils pumpiers grischuns restian capabels d'intervegnir. Las periodas da setgira adina pli frequentas e la stgarsezza d'aua da stizzar fievu restan dentant ina sfida per il futur. Pervi da l'auta chareschia en il sector da construcziun ha la GVG adattà las valurs d'assicuranza per l'onn 2023. Las assicuradas ed ils assicurads vegnan vinavant indemnisads en cas d'in donn da fievu u d'in donn elementar cun la valur dal stadi nov da lur edifizis. La tariffa da las premias en il Grischun è anc adina ina da las pli bassas en l'entira Svizra.

#### Contact:

Dr. Marc Handlery, directur

Assicuranza d'edifizis dal Grischun, Ottostrasse 22, 7001 Cuira

t +41 81 258 90 01, m +41 78 715 11 73, e-mail marc.handlery@gvg.gr.ch.

➔ Il rapport annual è disponibel a partir dals 27-4-2023, a las 11.00, sin [www.gvg.gr.ch](http://www.gvg.gr.ch).